

**Nunaqarfigisami radioqarfinnut tv-qarfinnullu il.il. tapiissutit pillugit
Namminersornerullutik Oqartussat nalunaarutaat nr. 21, 30. december 2004-meersoq
Atuussimasoq (Historisk)**

Radiukkut tv-kkullu aallakaatitsisarneq pillugu Inatsisartut peqqussutaanni nr. 6, 14. november 2004-meersumi § 39, imm. 2 aamma § 42, imm. 1 aamma 2, aamma § 59, imm. 2 aamma 3 naapertorlugit aalajangersarneqarput:

Tapiissutit il.il.

§ 1. Naalakkersuisut nunaqarfigisami radiukkut tv-kkullu aallakaatitsisarnermut tapiissutinik, aningaasanut inatsimmi tassunga aningaasaliissutitut immikkoortinneqarsimasunit tunniussisassapput.

§ 2. Nunaqarfigisami radiukkut tv-kullu aallakaatitsisarnermut aningaasatigut tapiissutit imatut tunniunneqarsinnaapput:

- 1) Tunngaviusumik tapiissutit nunaqarfigisami radioqarfiit tv-qarfiillu ingerlanneqarnerannut tunniunneqartartut.
- 2) Aallakaatitassiornissamut tapiissutit nunaqarfigisami tv-qarfinnuinnaq tunniunneqartartut.
- 3) Kattuffimmut tapiissutit sinerissami takusassiiviit tusagassiiviillu kattuffiata (STTK-p) ingerlanneqarneranut tunniunneqartartut.
- 4) Nunaqarfigisami radioqarfiit tv-qarfiillu sulisuisa ilinniarteqqinneqartarnerannut ingerlaqqiffiusumillu ilinniartinneqarnerannut tapiissutit.

Imm. 2. Tunngaviusumik tapiissutit, tak. imm. 1, nr. 1, aamma aallakaatitassiornissamut tapiissutit, tak. imm. 1, nr. 2, qinnuteqartoqarneratigut tunniunneqarsinnaapput.

Imm. 3. Tapiissutinik qinnuteqartoqarnerani, tak. imm. 2, tapiissutinik agguasartuusut, tak. §§-it 4 aamma 13, nalilissavaat aallakaatitsivik nammineerluni namminerisamillu aallakaatitassiorarluni ingerlanersoq.

Tapiissutit agguataarnerat

§ 3. Aningaasaliissutinit § 1-imi taaneqartunit 400.000 kr.-it kattuffimmut tapiissutitut immikkoortinneqariissapput, tak. § 2, imm. 1, nr. 3.

Imm. 2. Aningaasaliissutinit § 1-imi taaneqartunit 100.000 kr.-it nunaqarfigisami radioqarfiit tv-qarfiillu sulisuisa ilinniarteqqinneqartarnerannut ingerlaqqiffiusumillu ilinniartinneqarnerannut tapiissutitut immikkoortinneqariissapput, tak. § 2, imm. 1, nr. 4.

Imm. 3. Aningaasaliissutit sinnerinit pingajorarterutit marluk (2/3-it) tunngaviusumik tapiissutinut, tak. § 2, imm. 1, nr. 1, pingajorarterutillu (1/3-it) aallakaatitassiornissamut tapiissutinut, tak. § 2, imm. 1, nr. 2, atorpeqassapput.

Tunngaviusumik tapiissutit

§ 4. Tunngaviusumik tapiissutit STTK-mit aqunneqarlutillu tunniunneqartassapput. Tunniunneqarnerat kvartalimi qaammatip siulliup naannginnerani pisassaaq.

Imm. 2. Tapiissutit imm. 1-imi taaneqartut aqunneqarnerat tunniunneqartarnerallu kultureqarnermut pisortaqarfiup nakkutigissavaa.

§ 5. Tunngaviusumik tapiissutit STTK-p nunaqarfigisami aallakaatitsivinnut nutaanut marlunnut, tapiiffigineqarnissamut piumasaqaatinik naammassinninnermik kingorna kvartali tulliuqqoq aallarnerfigalugu tapiissutinik tunineqarsinnaasunut aningaasanik immikkoortitsererneratigut aningaasaliissutigineqartassapput.

Imm. 2. Nunaqarfigisami aallakaatitsiviit marlunnit amerlanerusut qinnuteqareernerikkut aningaasanik immikkoortinneqareersunik pisinnaappata, tak. imm. 1, aallakaatitsiviit marluk tunngaviusumik tapiissutinik tunineqarnissamut piumasaqaatinik naammassinneqqaartut kisimik tapiiffigineqassapput, tak. § 6, imm. 1-imiit 3-mut.

Imm. 3. STTK-p tunngaviusumik tapiissutit sinneri, tak. imm. 1, nunaqarfigisami radioqarfiit tv-qarfiillu tapiiffigineqarsinnaasut sinnerinut assigiimmik agguataassavai.

§ 6. Piumasaqaatit radiukkut tv-kkullu aallakaatitsisarneq pillugu peqqussummi taaneqartut saniatigut tunngaviusumik tapiissutinik tunineqarnissamut piumasaqaatit makkua naammassineqarsimassapput:

- 1) Tunngaviusumik tapiissutinik qinnuteqaat ukiumi qinnuteqaatip attuumassuteqarfigisaani kingusinnerpaamik ulloq 5. januar STTK-mit tiguneqareersimassaaq, taamaattorli tak. § 5, imm. 2.
- 2) STTK-p qaammatsiutit malillugit ukiumi qinnuteqaatip attuumassuteqarfigisaani missingersuutit kingusinnerpaamik ulloq 5. januar tigoreersimassavai. Missingersuutit siulersuisut siulittaasuannit siulersuisunilu ilaasortanit minnerpaamik marlunnit atsiorneqarsimassapput.
- 3) Qaammatsiutit malillugit ukiumi qaangiuttumi Namminersornerullutik Oqartussanit tapiissutit tamarmiusut minnerpaamik 150.000 kr.-iusimappata aammattaaq STTK-p qaammatsiutit malillugit ukiumi qinnuteqaatip attuumassuteqarfigisaani anguniakkatut iliuusissatullu pilersaarutit kingusinnerpaamik ulloq 5. januar tigoreersimassavai. Anguniakkatut iliuusissatullu pilersaarutit siulersuisut siulittaasuannit siulersuisunilu ilaasortanit minnerpaamik marlunnit atsiorneqarsimassapput.

Imm. 2. STTK-p tapiiffigineqarnissamik qinnuteqaatip kingusinnerpaamik tiguneqarsimaffissaa ilutigalugu piffissamut qinnuteqaatip attuumassuteqarfigisaanut missingersuutit nunaqarfigisami aallakaatitsivinnit nutaanit, tak. § 5, imm. 1 aamma 2, tigusimassavai. Missingersuutit siulersuisut siulittaasuannit siulersuisunilu ilaasortanit minnerpaamik marlunnit atsiorneqarsimassapput.

Imm. 3. Aallakaatitsisinnanermut akuersissut inummut ataatsimut imaluunniit inunnut arlalinnut ataatsimoortunut tunniunneqarsimappat naatsorsuutit, missingersuutit aamma anguniakkatut iliuusissatullu pilersaarutit aallakaatitsisinnanermut akuersissutip piginnittuanit imaluunniit piginnittuinit atsiorneqarsimassapput.

Imm. 4. Radioqarfiit tv-qarfiillu STTK-mut ilaasortaangitsut paasissutissat imm. 1, nr. 2-miit 3-mut kiisalu imm. 2-miit 3-mut taaneqartut, piffissarititat piumasaqaatillu allanut atuuttut malillugit

kultureqarnermut pisortaqarfimmut nassiutissavaat.

§ 7. Tunngaviusumik tapiissutinik tunineqarnissami piumasaqaatit makku atuupput:

1) Aallakaatitsiviup siulersuisuisa, qaammatisiutit malillugit ukioq qaangiuttoq pillugu ukiumoortumik nalunaarutaat STTK-p kingusinnerpaamik ulloq 1. juni tigoreersimassavaa. Ukiumoortumik nalunaarut siulersuisunit tamarmiusunit atsiorneqarsimassaaq, taamaattorli tak. imm. 4.

2) Aallakaatitsiviup, qaammatisiutit malillugit ukiumi qaangiuttumi ukiumoortumik naatsorsuutai STTK-p kingusinnerpaamik ulloq 1. juni tigoreersimassavai, taamaattorli tak. imm. 4.

3) STTK-p kingusinnerpaamik qaammatit ulluisa 5-ianni tigoreersimasassavaa aallakaatitsiviup tapiissutinik pissarsisartup qaammammi qaangiuttumi aallakaatissimasaasa allattorsimaffiat. Aallakaatitassiat tamarmik, nunaqarfigisami nutaarsiassanut aallakaatitanullu innuttaasut oqaaseqarsinnaatitaaffigisaannut agguataakkat taaguutaat, minutsit amerlassusii, oqaatsit imarisaallu nalunaarneqartassapput. Aammattaaq qaammammi nammineeerluni aallakaatitassiat tamarmiusut kiisalu nipilersuutit atorneqartut, pilerisaarutit aammalu satellit-tv -radiuluunniit atorneqarpata taakku minutsinngorlugit nalunaarneqartassapput.

Imm. 2. Qaammatisiutit malillugit ukiumi qaangiuttumi Namminersornerullutik Oqartussanit tapiissutit tamarmiusut minnerpaamik 150.000 kr.-iusimappata naatsorsuutit kukkunersiuisumit nalunaarsorneqarsimasumit imaluunniit naalagaaffimmit akuerisaasumit kukkunersiorneqarsimassapput. Naatsorsuutit aamma siulersuisunit tamarmiusunit akuerineqarsimallutillu atsiorneqarsimassapput aammalu kukkunersiuisut oqaaseqaataat ilanngunneqassapput. Ukiumi qaangiuttumi tapiissutit Namminersornerullutik Oqartussanit aningaasaliissutigineqarsimasut naatsorsuutini ersarissumik takuneqarsinnaassapput.

Imm. 3. Qaammatisiutit malillugit ukiumi qaangiuttumi Namminersornerullutik Oqartussanit tapiissutit tamarmiusut 150.000 kr.-init ikinnerusimappata naatsorsuutit nammineq kukkunersiuisorisamit imaluunniit kukkunersiuisumit nalunaarsorneqarsimasumit kukkunersiorneqarsimassapput. Naatsorsuutit aamma siulersuisunit tamarmiusunit akuerineqarsimallutillu atsiorneqarsimassapput aammalu kukkunersiuisut oqaaseqaataat ilanngunneqassapput. Ukiumi qaangiuttumi tapiissutit Namminersornerullutik Oqartussanit aningaasaliissutigineqarsimasut naatsorsuutini ersarissumik takuneqarsinnaassapput.

Imm. 4. Aallakaatitsisinnaanermut akuersissut inummut ataatsimut imaluunniit innunut arlalinnut ataatsimoortunut tunniunneqarsimappat ukiumoortumik nalunaarut aamma naatsorsuutit aallakaatitsisinnaanermut akuersissutip piginnittuanit imaluunniit piginnittuinit atsiorneqarsimassapput.

Imm. 5. Radioqarfiit tv-qarfiillu STTK-mut ilaasortaanngitsut paasissutissat imm. 1-imiit 4-mut taaneqartut, piffissaritit piumasaqaatillu allanut atuuttut malillugit kultureqarnermut pisortaqarfimmut nassiutissavaat.

§ 8. Tunngaviusumik tapiissutinik tunineqarnissaq STTK-mut ilaasortaanissamik piumasaqaatitaqanngilaq.

Imm. 2. Tunngaviusumik tapiissutinik tunineqarnissami piumasaqaataapput qinnuteqartup aallakaatitsisinnaanermut akuersissummik atuuttumik peqarnissaa, aammalu qinnuteqartup radiukkut tv-kkulluunniit aallakaatitanik aallakaatitsisarnissaa.

§ 9. STTK-p tunngaviusumik tapiissutinik qinnuteqaat missingersuutilluunniit kvartalimi qaammatip siulliup ulluisa 5-iata kingorna aatsaat tigusimappagit, tunngaviusumik tapiissutinik aatsaat kvartalimi tulluuttumi tunniussisoqarsinnaavoq.

Imm. 2. STTK aallakaatitsiviup aallakaatissimasaasa allattorsimaffiannik tigusaqarsimangippat, imaluunniit STTK-p kvartalikkaartumik nalunaarutaani allassimappat aallakaatitsivik aallakaatitanik aallakaatitsisimangitsoq imaluunniit aallakaatitsivik tapiiffigineqarnissamut maleruagassanik allatigut ersarissumik unioqquutitsisimasoq, taava aallakaatitsivik kvartalimi tulluuttumi tapiissutinik tunineqassangilaq.

Imm. 3. Tapiissutinik tunineqarnissamut maleruagassanik unioqquutitsisoqarpat, tak. § 6-imiit 7-imut, imaluunniit tapiissutinik pissarsisup tapiissutit aningaasaliissutigineqarneranni siunertaannit allaasunut atorsimappagit, STTK-p tapiissutinik pissarsisartumut tunniussisarneq sukkulluunniit unitsissinnaavaa, tapiissutinillu tunniunneqarsimasunik tamakkiisumik ilaannakuusumilluunniit utertitsinissaq piumasarisinnaallugu.

Imm. 4. Aallakaatitsivik imm. 1-imiit 2-mut pineqartoq aatsaat tapiissutinik pissarsisaleqqissinnaavoq § 6-imi piumasaqaatit naammassisimaleqqikkunigit aammalu § 7-imi piumasaqaatit eqquutsikkunigit.

Imm. 5. Tapiissutit tunniunneqanngitsoorsimasinnaasut tunniunneqassangillat, kisiannili nunaqarfigisami radioqarfiit tv-qarfiillu sulisuisa ilinniarteqqinneqartarnerannut ingerlaqqiffiusumillu ilinniartinneqarnerannut tapiissutit immikkoortitanut nuunneqassallutik, tak. § 2, imm. 1, nr. 4

§ 10. Tunngaviusumik tapiissutinik qinnuteqaammut itigartitsinerit, kiisalu tapiissutinik tunniussisarnerup unitsinneqarnissaanik imaluunniit tapiissutinik tunniunneqarsimasunik tamakkiisumik ilaannakuusumilluunniit utertitsinissamik § 9, imm. 2-miit 3-mut naapertorlugit aalajangiinerit, aalajangiinerup qinnuteqartumut nalunaarutigineqarneraniit sap.ak. 4-t qaangiutsinnagit kultureqarnermut pisorta qarfimmuut naammagittaalliuutigineqarsinnaapput.

§ 11. STTK-p tunngaviusumik tapiissutit atunngitsoorneqarsimasinnaasut nunaqarfigisami radioqarfiit tv-qarfiillu sulisuisa ilinniarteqqinneqartarnerannut ingerlaqqiffiusumillu ilinniartinneqarnerannut tapiissutit immikkoortitanut nuussavai, tak. § 2, imm. 1, nr. 4.

Aallakaatitassiornissamut tapiissutit

§ 12. Tunngaviusumik tapiissutit aallakaatitassiornissamut tapiissutinik ilaneqarsinnaapput, taamaalillutik nunaqarfigisami tv-qarfiit aallakaatitassianut aallakaatitassianulluunniit tullerriaartunut tapiiffigineqarnissamik qinnuteqarsinnaallutik.

§ 13. Aallakaatitassiornissamut tapiissutit Radio- tv-lu pillugit aalajangiisartunit aqunneqarlutillu tunniunneqartassapput. Tunniunneqarnerat aallakaatitsiviit ataasiakkaat nammineerlutik aallakaatitassiaat akuerisaasut nalunaaquttap akunneranut agguataakkat, aallakaatitassiornissamut tapiissutit aningaasaliissutigineqartunik kvartalimut 4-nut agguataakkanik agguarneri tunngavigalugit kvartalimut tamarmik naanerisa kingorna pisassaaq.

Imm. 2. Kvartalimut qaangiuttumut tunngatillugu aallakaatitassiornissamut tapiissutinik qinnuteqaat Radio- tv-lu pillugit aalajangiisartut kingusinnerpaamik ulluni 5. april, 5. juli, 5. oktober aamma 5.

januar tigoreersimassavaat.

§ 14. Aallakaatitassiornissamut tapiissutinik qinnuteqaat paasissutissanik makkuninnga imaqaassaaq:

- 1) Aallakaatitassiap aallakaatitassialluunniit tullerriaartut taaguutaat.
- 2) Aallakaatitsinerit amerlassusiat.
- 3) Aallakaatitat ataasiakkaat sivisussusiat.
- 4) Aallakaatitassiap aallakaatitassialluunniit tullerriaartut tamakkiisumik aningaasalersorneqarnerat.
- 5) Aallakaatitassiap aallakaatitassialluunniit tullerriaartut aallakaatitassianut makkununnga agguataarlugit imarisaat: Meeqqanut inuusuttunullu aallakaatitassiaq, nutaarsiassanik soqutigintartunillu aallakaatitassiaq, inuiaqatigiit pillugit oqallinnermillu aallakaatitassiaq, timersorneq pillugu aallakaatitassiaq, kulturi pinngortitarlu pillugit aallakaatitassiaq.
- 6) Aallakaatitassiornikkut sullikkumasat.
- 7) Suleqatigisimasinnaasat.

§ 15. Aallakaatitassiornissamut tapiissutit taamaallaat nunaqarfigisami tv-qarfiit nammineerlutik aallakaatitassiorneranni atugassatut tunniunneqarsinnaapput, taamaattorli tak. imm. 2-miit 4-mut.

Imm. 2. Aallakaatitassiornissamut tapiissutinik bingortitsinernut, angallanneq pillugu nalunaarutitut assigisaannullu atugassanik tunniussisoqarneq ajorpoq.

Imm. 3. Aallakaatitassiornissamut tapiissutinik piffissamut aallakaatitsivimmut, taamaallaat aallakaatitsiviup ilisarnaataanik, paasissutissiissutinik kaaviteruusaakkanik, tekst-tv-mik, aallakaateqqitanik, pilerisaarutinik, info-kanalinik taaneqartartunik taamaaqataannillu aallakaatitsinernik allanik imaqartumut atugassanik tunniussisoqarneq ajorpoq.

Imm. 4. Aallakaatitassiornissamut tapiissutinik assiliissutit aalajangersimasumut inissillugit, soorlu timersornernit imaluunniit naalagiarnernit aallakaatitsinissanut atugassanik tunniussisoqarneq ajorpoq.

§ 16. Aallakaatitassiornissamut tapiissutinik tunineqarnissaaq STTK-mut ilaasortaanissamik piunasaqaatitaqanngilaq.

Imm. 2. Aallakaatitassiornissamut tapiissutinik tunineqarnissami piunasaqaataapput qinnuteqartup aallakaatitsisinnaanermut akuersissummik atuuttumik peqarnissaa, aammalu qinnuteqartup tv-kkut aallakaatitanik aallakaatitsisarnissaa.

§ 17. Radio- tv-lu pillugit aalajangiisartut tv-kkut aallakaatitat aallakaatitassiornissamut tapiissuteqarfigineqarsimasut, aalajangiisartut nakkutilliisussaataaernerannut atatillugu taamungaannaq misissuiffigisarsinnaavaat.

Imm. 2. Tv-kkut aallakaatitat, tak. imm. 1, aallakaatitassiornissamut tapiissutinik qinnuteqaammut naapertuutinninnerat paasineqarpat Radio- tv-lu pillugit aalajangiisartut tapiissutinik tunniussisarneq unitsissinnaavaat, tapiissutillu tunniunneqarsimasut tamakkiisumik ilaannakuusumilluunniit utertinneqarnissaa piunasarisinnaallugu.

§ 18. Radio- tv-lu pillugit aalajangiisartut tapiissutit pillugit aamma tapiissutinik unitsitsinissamik tapiissutinillu tamakkiisumik ilaannakuusumilluunniit utertitsinissamik aalajangiineri allaffeqarfitsigut oqartussaasunut allanut naammagittaalliuutigineqarsinnaanngillat.

§ 19. Radio- tv-lu pillugit aalajangiisartut aallakaatitassiornissamut tapiissutit kvartalimi tunniunneqanngitsoortut kvartalimi tulluuttumi aallakaatitassiornissamut tapiissutit

immikkoortitanut nuussavaat.

Imm. 2. Radio- tv-lu pillugit aalajangiisartut aallakaatitassiornissamut tapiissutitut tunniunneqanngitsoorsimasinnaasut, siunertanut § 2, imm. 1, nr. 4-mi taaneqartunut ukiumi tulliuuttumi atugassatut ukiup naalernerani nuussavaat

Kattuffimmut tapiissutit

§ 20. Kattuffimmut tapiissutit kultureqarnermut pisorta qarfirmut aningaasaliissutigineqartarlutillu aqunneqassapput.

§ 21. Kultureqarnermut pisorta qarfiup kattuffimmut tapiissutinik STTK-mut tunniussinissaani, tak. § 2, imm. 1, nr. 3, piumasaqaatit makkua naammassineqarsimassapput:

- 1) STTK-p missingersuutai, anguniakkatut iliuusissatullu pilersaarutai kiisalu ilaasortaasa allattorsimaffiat kultureqarnermut pisorta qarfiup, qaammatsiutit malillugit ukiumi kattuffimmut tapiissutit attuumassute qarfigisaanni kingusinnerpaamik ulloq 5. januar tigoreersimassavai.
- 2) Aallakaatitsiviit ilaasortaasut tamarmik qaammatsiutit malillugit ukiumi qaangiuttumi aallakaatissimasaasa tamarmiusut ukiumut naatsorsorne qarfiat kultureqarnermut pisorta qarfiup kingusinnerpaamik ulloq 10. januar STTK-mit tigoreersimassavaa.

Imm. 2. Aallakaatitsiviit tamarmik aallakaatissimasaasa tamarmiusut imm. 1, nr. 2 malillugu ukiumut naatsorsorne qarfiat makkuninnga imaqaasaaq:

- 1) Aallakaatitsiviit ataasiakkaat nammineerlutik aallakaatitassiaat tamarmiusut minutsinngorlugit.
- 2) Taakkua imarisaasa, nuna qarfigisami nutaarsiassanut aallakaatitanullu innuttaasut oqaaseqarsinnaatitaaffigisaannut agguataakkat nalunaarne qarnerat.
- 3) Nammineerluni aallakaatitassiat oqaatsinut agguataarnerisa nalunaarne qarnerat.
- 4) Satellitradiup imaluunniit satellit-tv-p, kanalip aqqa nalunaarlugu, atugaanerata annertussusiata nalunaarne qarnera.

Imm. 3. Kattuffimmut tapiissutinut taakkua saniatigut piumasaqaataapput STTK-p nuna qarfigisami aallakaatitsivinnut ingerlaavartumik attaveqartarnissaa ilitersuinissamillu neqerooruteqartarnissaa, aammalu nuna qarfigisami aallakaatitsivinnut sammisumik pikkorissarnernik isumaginnittuunissaa.

§ 22. Kattuffimmut tapiissutit tunniunneqarnissaanni piumasaqaatit makkua atuupput:

- 1) Aallakaatitsiviit sorliit kvartalimi qaangiuttumi tunngaviusumik tapiissutinik tunineqarsimanerannik naatsorsuiffik aammalu aningaasat nuna qarfigisami radio qarfiit tv-qarfiillu sulisuisa ilinniarteqqinneqartarnerannut ingerlaqqiffiusumillu ilinniartinneqarnerannut tapiissutitut immikkoortinneqartunut kvartalimi qaangiuttumi nuunneqarsimasinnaasut naatsorsorne qarfiat kultureqarnermut pisorta qarfiup kingusinnerpaamik ulluni 10. april, 10. juli, 10. oktober aamma 10. januar STTK-mit tigoreersimasassavai.
- 2) Qaammatsiutit malillugit ukiumi qaangiuttumi ukiumoortumik naatsorsuutit siulersuisullu ukiumoortumik nalunaarutaat kingusinnerpaamik ukiumi tapiissutit attuumassute qarfigisaanni ulloq 1. juni kultureqarnermut pisorta qarfirmut nassiunneqareersimassapput. Ukiumoortumik naatsorsuutit kukkunersiuisumit naalagaaffimmit akuerisaasumit imaluunniit nalunaarsorneqarsimasumit kukkunersiorneqarsimassapput, siulersuisunit tamarmiusunit atsiorneqarsimassallutik aammalu

kukkunersiuisut oqaaseqaataat ilanngunneqarsimassapput.

3) Nunaqarfigisami aallakaatitsiviit sulisuisa ilinniartitaanerisa § 2, imm. 1, nr. 4-mi taaneqartut allaaserineqarneri, naliliivigineqarneri naatsorsuutitaallu ukiumoortumik naatsorsuutini nalunaarummilu immikkoortillugit allanneqarsimassapput.

§ 23. Kattuffimmut tapiissutitut aningaasaliissutigineqartut atorneqarnerat kultureqarnermut pisorta qarfiup nakkutigissavaa.

Imm. 2. Kattuffimmut tapiissutit aningaasaliissutigineqarnerminni siunertaannit allaasunut atorneqartut paasineqarpat, kultureqarnermut pisorta qarfiup tapiissutit tunniunneqartarnerat unitsissinnaavaa kattuffimmullu tapiissutit tamakkiisumik ilaannakuusumilluunniit utertinneqarnissaat piumasarisinnaallugu.

Nunaqarfigisami radio qarfiit tv-qarfiillu sulisuisa ilinniarteqqinneqartarnerannut ingerlaqqiffiusumillu ilinniartinneqarnerannut tapiissutit

§ 24. Nunaqarfigisami radio qarfiit tv-qarfiillu sulisuisa ilinniarteqqinneqartarnerannut ingerlaqqiffiusumillu ilinniartinneqarnerannut tapiissutit STTK-mit aqunneqarlutillu tunniunneqartassapput aammalu aningaasanik §§-ini 11-mi 19-imilu taaneqartunik ilaneqartassallutik.

§ 25. Aningaasat § 2, imm. 1, nr. 4-mi taaneqartut atorlugit STTK-p nunaqarfigisami radio qarfiit tv-qarfiillu sulisui ilinniarteqqinneqarluni ingerlaqqiffiusumillu ilinniartinneqarluni pikkorissarnerni peqataanissamut neqeroorfigisassavai.

Imm. 2. Pikkorissarnerit imm. 1-imi taaneqartut kattuffimmit namminermit sulissutigineqarsinnaapput taannaluunniit aqutigalugu ingerlanneqarsinnaallutik.

Imm. 3. Aningaasat imm. 1-imi taaneqartut pikkorissarnernut, sulisuusut tusagassiornermik sulinerminni piginnaasaannik, matumani aamma pitsaasumik tusagassiornissamik, tusagassiutit iluani naatsorsuuserinerullu iluani piginnaasassanik annertusaasunut atorneqarnerussapput.

§ 26. Pikkorissarnernut § 2, imm. 1, nr. 4-mi taaneqartunut peqataanissaq STTK-mut ilaasortaanissamik piunasaqaatitaqanngilaq. Peqataanissamili piunasaqaataavoq pikkorissarnerni peqataasussap nunaqarfigisami aallakaatitsivimmut aallakaatitsisinnaanermut akuersissummik peqartumut aammalu piffissap pikkorissarnermik pineqartumik ingerlatsiviusup nalaani radiukkut tv-kkulluunniit aallakaatitanik aallakaatitsisartumut attuumassuteqartuunissaa.

§ 27. Ilinniarteqqinneqartarnernut ingerlaqqiffiusumillu ilinniartinneqarnernut tapiissutitut aningaasaliissutigineqartut atorneqarnerat kultureqarnermut pisorta qarfiup nakkutigissavaa.

Imm. 2. Tapiissutit aningaasaliissutigineqarnerminni siunertaannit allaasunut atorneqartut paasineqarpat, kultureqarnermut pisorta qarfiup tapiissutit tunniunneqartarnerat unitsissinnaavaa tapiissutillu tunniunneqarsimasut tamakkiisumik ilaannakuusumilluunniit utertinneqarnissaat piumasarisinnaallugu.

§ 28. Pikkorissarnernut § 2, imm. 1, nr. 4-mi taaneqartunut peqataanissamik qinnuteqaammik itigartitsineq ullormit aalajangiiffiusumiit sap.ak. 4-t qaangiutsinnagit kultureqarnermut pisorta qarfimmu allakkatigut naammagittaalliutigineqarsinnaavoq.

Qinnuteqaatit il.il. tunniunneqartarneri suliarineqartarnerilu

§ 29. § 2, imm. 1, nr. 1 aamma 2 malillugit qinnuteqaatit suliarineqarnissaanni qinnuteqarfissatut immersugassap kultureqarnermut pisortaqaarfimmit akuerisaasup immersorneqarnissaa piumasaaqatigineqarsinnaavoq.

Imm. 2. STTK-p tapiissutinik § 2, imm. 1, nr. 1-imi 3-milu taaneqartunik aqutsineranut atatillugu nalunaaruteqartarfissatut immersugassat kultureqarnermut pisortaqaarfimmit akuerisaasut immersorneqartarnissaat piumasaaqatigineqarsinnaavoq.

§ 30. Tapiissutit § 2, imm. 1, nr. 1-imiit 4-mut taaneqartut pillugit qinnuteqaatinik naammagittaalliutinillu il.il. suliarinninnermi pisortat ingerlatsineranni suliassat suliarineqartarnerat pillugu Inatsisartut inatsisaat malinneqassaaq, matumani aamma suliassanik aalajangersimasunik suliarinninnermi nipangiussisussaataanerit maleruagassat.

Pineqaatissiisarnerit

§ 31. Kinaluunniit tapiissutit aningaasaliissutit aningaasaliissutigineqarneranni siunertaannit allaasunut atuisoq, tapiiffigineqarnissamik maleruagassanik unioqqutitsineq annertuppat arlaleriarluniluunniit unioqqutitsineruppat akiliisinneqarsinnaavoq.

Imm. 2. Aktieselskabi, anpartsselskabi, andelselskabi, peqatigiiffik assigisaalluunniit imm. 1-imi unioqqutitsippat, ingerlatseqatigiiffik il.il. akiliisitsissummik taamaattumik akiliisussanngortinneqarsinnaavoq. Kommuni kommunilluunniit suleqatigiiffiat il.il. unioqqutitsippat kommuni kommunilluunniit suleqatigiiffiat il.il. aalajangersagaq aamma taanna naapertorlugu akiliisitsissummik taamaattumik akiliisussanngortinneqarsinnaavoq.

Atortuulerfia

§ 32. Nalunaarut una ulloq 1. januar 2005-imi atortuulerpoq.

Namminersornerullutik Oqartussat, ulloq 30. december 2004

Henriette Rasmussen

/

Lise Lennert Olsen